



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 2/74

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«17» հուլիսի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանի կողմից 17.11.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 5-րդ մասով նախատեսված վարչական իրավախախտում, մասնավորապես անհատ ձեռնարկատեր Մխիթար Ռաֆիկի Խաչատրյանի կողմից Երևան քաղաքի Գյուրջյան փողոցի հ. 25/4 հասցեում գտնվող օբյեկտում, առանց համապատասխան թույլտվության, իրականացվել է տեխնիկական հեղուկների վաճառք, որի վերաբերյալ 17.11.2022 թվականին կազմվել է վարչական իրավախախտման վերաբերյալ թիվ Ա-000437 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 22.12.2022 թվականին գործի քննությանը ներկայացավ անհատ ձեռնարկատեր Մխիթար Ռաֆիկի Խաչատրյանը (անձնագիր՝ BA 3476542, տրված 06.08.2020 թվականին 005-ի կողմից): Վերջինս վարչական մարմնին բացատրություն տվեց այն մասին, որ ցանկանում է, որ գործի քննությանը մասնակից դարձնել նաև արձանագրությունը կազմող սուբյեկտին, քանի որ արձանագրությունը չի կազմվել իր ներկայությամբ: Ներկայացրեց գրավոր առարկություն: Միջնորդություն ներկայացրեց առարկությունը կցել գործի նյութերին:

Անհատ ձեռնարկատեր Մխիթար Ռաֆիկի Խաչատրյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ չներկայացվեցին:

Նշվածի հիման վրա, գործի փաստական հանգամանքների բազմակողմանի, լրիվ և օբյեկտիվ քննությունն ապահովելու, ինչպես նաև անհատ ձեռնարկատեր Մխիթար Ռաֆիկի Խաչատրյանի կողմից ներկայացված դիրքորոշման հիման վրա Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանին գործի քննությանը մասնակից դարձնելու նպատակով, գործի քննությունն իրականացնող իրավասու պաշտոնատար անձի կողմից որոշվել է գործի քննությունը հետաձգել, ուստի հաջորդ լուսմների օր և ժամ է նշանակվել 17.01.2023 թվականին ժամը 14:30-ին:

Հարուցված վարչական վարույթի շրջանակներում 17.01.2023 թվականին գործի քննությանը ներկայացան անհատ ձեռնարկատեր Մխիթար Ռաֆիկի Խաչատրյանը և Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանը:

Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանը տեղեկացրեց, որ 17.11.2022 թվականին իրականացված շրջայցի ժամանակ պարզվել է, որ Երևան քաղաքի Գյուրջյան փողոցի հ. 25/4 հասցեում գտնվող օբյեկտում, անհատ ձեռնարկատեր Մխիթար Ռաֆիկի Խաչատրյանի կողմից առանց համապատասխան թույլտվության իրականացվել է տեխնիկական հեղուկների վաճառք, որպիսի փաստի կապակցությամբ կազմվել է թիվ Ա-000437 արձանագրությունը:

Անհատ ձեռնարկատեր Մխիթար Ռաֆիկի Խաչատրյանը իրազեկվել է արձանագրության կազմման գործընթացի վերաբերյալ և հրաժարվել է ստորագրել արձանագրությունը:

Անհատ ձեռնարկատեր Մխիթար Ռաֆիկի Խաչատրյանը ամբողջությամբ հերքեց Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանի կողմից տրված տեղեկատվությունը, հավելելով, որ այն չի համապատասխանում իրականությանը:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ՀԴՄ կտրոնը, անհատ ձեռնարկատիրոջ պետական գրանցման վերաբերյալ տեղեկատվությունը, Երևան քաղաքի Նոր Նորք վարչական շրջանի ղեկավարի 18.11.2022 թվականի հ. Ն/37108-22 գրությունը, ինչպես նաև Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանի կողմից տրված տեղեկատվությունը, անհատ ձեռնարկատեր Մխիթար Ռաֆիկի Խաչատրյանի կողմից տրված բացատրությունը, ներկայացված առարկությունները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 17.11.2022 թվականին անհատ ձեռնարկատեր Մխիթար Ռաֆիկի Խաչատրյանի կողմից Երևան քաղաքի Գյուրջյան փողոցի հ. 25/4 հասցեում գտնվող օբյեկտում, առանց համապատասխան թույլտվության իրականացվել է տեխնիկական հեղուկների վաճառք:

Անդրադառնալով անհատ ձեռնարկատեր Մխիթար Ռաֆիկի Խաչատրյանի կողմից թիվ Ա-000437 արձանագրությամբ վկայակոչված փաստական հանգամանքների արժանահավատ չլինելու վերաբերյալ դիրքորոշմանը, վարչական մարմինն արձանագրում է, որ անհատ ձեռնարկատեր Մխիթար Ռաֆիկի Խաչատրյանի կողմից ներկայացված դիրքորոշման հիման վրա գործի քննությանը մասնակից է դարձել նաև Երևան քաղաքի Նոր Նորք վարչական շրջանի ղեկավարի աշխատակազմի աշխատակից Ա. Աճեմյանը, վերջինիս կողմից տրված տեղեկատվությամբ և արձանագրության մեջ առկա գրառմամբ ամբողջությամբ հերքվում է անհատ ձեռնարկատեր Մխիթար Ռաֆիկի Խաչատրյանի կողմից ներկայացված հանգամանքներն, ինչից հետևում է, որ թիվ Ա-000437 արձանագրությունը կազմվել է Օրենսգրքի 255-րդ հոդվածի պահանջների պահպանմամբ, հետևապես անհատ ձեռնարկատեր Մխիթար Ռաֆիկի Խաչատրյանի կողմից ներկայացված դիրքորոշումը չի կարող հիմք հանդիսանալ վարչական վարույթը կարճելու համար:

Անհատ ձեռնարկատեր Մխիթար Ռաֆիկի Խաչատրյանի կողմից թույլ է տրվել Օրենսգրքի 169.16-րդ հոդվածի 5-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Մխիթար Ռաֆիկի Խաչատրյանի կողմից տրված բացատրությունները և այն, որ անհատ ձեռնարկատեր Մխիթար Ռաֆիկի Խաչատրյանի կողմից առաջին անգամ է թույլ տրվել Օրենսգրքի 169.16-րդ հոդվածի 5-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

«Տեղական ինքնակառավարման մասին» օրենքի² (հետայսու Օրենք²) 45-րդ հոդվածի 1-ին մասին 8-րդ կետի համաձայն՝ տալիս է համայնքի տարածքում հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերում հեղուկ վառելիքի կամ սեղմված բնական կամ հեղուկացված նավթային կամ ածխաջրածնային գազերի և տեխնիկական հեղուկների վաճառքի թույլտվություն:

Օրենքի² 45-րդ հոդվածի 1-ին մասին 9-րդ կետի համաձայն՝ տալիս է համայնքի տարածքում տեխնիկական հեղուկների վաճառքի թույլտվություն:

Օրենսգրքի 169.16-րդ հոդվածի 5-րդ մասի համաձայն՝ առանց թույլտվության խանութներում և կրպակներում հեղուկ վառելիքի, սեղմված բնական կամ հեղուկացված նավթային գազերի, մանրածախ առևտրի կետերում կամ ավտոմեքենաների տեխնիկական սպասարկման և նորոգման ծառայության օբյեկտներում տեխնիկական հեղուկների վաճառք իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկից մինչև հարյուրհինգանպատիկի չափով:

Սույն մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկից մինչև երկուհարյուրհինգանպատիկի չափով:

Ելնելով վերոգրյալից և ղեկավարվելով Օրենքի² 45-րդ հոդվածի 1-ին մասի 8-րդ և 9-րդ մասերով, Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 169.16-րդ հոդվածի 5-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի հ. 2703-Ա որոշումներով՝

ՈՐՈՇԵՑԻ

1. Մխիթար Ռաֆիկի Խաչատրյանին Օրենսգրքի 169.16-րդ հոդվածի 5-րդ մասով ենթարկել վարչական պատասխանատվության նշանակելով վարչական տույժ 100.000 ՀՀ դրամ գումարի չափով:

2. Նախազգուշացնել Մխիթար Ռաֆիկի Խաչատրյանին, որ վարչական տույժ նշանակելու օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 200.000-250.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035050302 հաշվեհամարին:

6. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՇՈՒԹՅԱՆ
ՎԱՐՇԱԿԱՆ ԻՐԱՎԱԽԱՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ